

Testamento di Lucrezia Gelofrada.

CANZONE XIV.

Che bela trastulada !
 Sentila atentament :
 Lugressia Gelofrada
 L' ha fait so testament.
 Durvi pur bin j' orie ,
 Scotè ste drolarie ,
 Son cose tant da rie
 Da fève tombè i dent.
 A l' ha lassà tre fie
 Con un codogn d' un fieul ;
 Lor aitre son mufie ,
 E chial l' è un bel faseul ;
 Una l' ha nom Ciaflassa ,
 E l' altra Patoflassa ,
 La tersa Gianaflassa ,
 E 'l frel l' ha nom Griseul.
 A j' ha dispst a pr una
 La dota fosonant ,
 Pr tant ch' a treuvo dunna
 Quaich bon parti friant ;
 J' ha pa lassà d' parole ,
 J' ha pa lassaje d' frole ,
 A son tre parpajole
 Tut an quattrin contant.
 J' ha faje butè an lista
 Un bel e bon fardel ,
 Una camisa d' rista ,
 E n' altra 'nsem d' barbel ;
 Una scufiassa ulianna ,
 Un fassolat d' lanna ,
 Con un faudal d' frustanna ,
 Ch' l' è bon a fè 'n crivel .

Un stras d'una brassiera
 Ch'a l'è tra grisa e bleu,
 Un bel cotin d'bandèra,
 Ch'or or va tut an breu;
 Con doi caussat d'flanela
 Grossè com' d'rasparela,
 Un del color d'canela,
 E l'autr color del feu.

Dontrè fassine d'rame
 Con mesa mina d'seil,
 E tre manisse grame,
 Ch'a perdo tut 'l peil;
 Con tre plissasse armise,
 Ch'a sou giu mai an frise,
 Pr mincionè le bise
 Ch'a venno al temp del geil.

D' mobilia j' ha lassaje
 N'archeta desfondà,
 Da butè le ghingaje
 Dla gran credità;
 Una pajassa mola
 Com' una ciapa d' sola,
 Con doi linseui d' rairola,
 E un trozio sciancherlà.

A l'an avu fortuna
 (Senti lo ch' ven apres)
 D'un urinari pr una
 Forà ant 'l bel e mes;
 Un ciap d'una sèbrèta,
 Un quart d'una palèta,
 Un scagn e una banchèta,
 Ch'a stanto tnisse an res.

Una cherdensa marsa
 Ficà là ant un canton,
 Ch'a fa una tal comparsa,
 Ch'a par un such d'arbron,

Una cavagna routa,
 Un doi, con una bouta
 Ch'a coula tut pr souta
 Quandbin ai sia un tacon.

Un piat e una scudela,
 Un tond desvernissà
 L'è tuta la vassela
 Ch'la mare j'ha lassà;
 Un toch d'una stagera,
 Cassul e cassulera,
 E mesa formagera,
 Ma tuta camolà.

Un' ola già scrussia
 Ansem a un tupinat,
 Ch'a l'è senza mania,
 Con dontrè pertusat;
 Un as da ciapuloira
 Ficà ant una ratoira,
 Un ters d'una scumoira
 Bonna a scumè i sampat.

An quant a la framenta
 A j'è un bon ciapulor,
 Ch'antorn a la polenta
 A taja ch'a fa por;
 Dontrè cujè e forslinne,
 Tute posade finne
 Del bosch ch'a fan le tinne,
 Con doi cotei saror.

Una baral mufia
 Stermà darè del forn,
 Un seber e una sia
 Sercià con d'corde antorn,
 Un mortè d'bosch ch'a dagna
 Pr poch ch'ai buto d'bagna,
 Con so piston d'castagna,
 Ch'a l'ha mai vist 'l torn.

Un lum da ver brustiaire
 Ansem al so vilan,
 E tre galinne maire,
 Ch'ogni ses meis a fan;
 Una carèa cagoira
 Ch'ai serv d'erca ampastoir,
 Con una davanoira
 Ch'a l'è sent agn ch'a l'an.
 Ampò d'una fusera
 E na trienna d'fus,
 Un stras d'una portera
 Ch'a j'è sinchsant pertus,
 Un toch d'una gratusa
 Forà tut a l'arbusa,
 Na peila bin ch'ai scusa,
 L'è un gust com'a tralus.
 Ma 'l fieul l'ha comodalo,
 Ch'a peul pa nen stè mal,
 S'antend ch'a l'ha lassalo
 Erede universal;
 Dasandie una cabassa
 Pr fè figura an piassa,
 Prchè l'ha una schinassa
 Da bon fachin d'Varal.
 A coul ch'a pia la briga
 D'arseive 'l testament,
 S'a l'ha bin fait fatiga,
 L'è pa stait mal content,
 L'ha avu pr autentichelo,
 E pr ansinuelo,
 E peui pr arcopielo
 Un sold d'emolument.
 Volive ampò ch'iv dia
 Chi l'era coul nodar?
 A l'è Bastian Granghia,
 Coul là ch'a fa i filar;

E i testimoni l'ero
 Fabian, Gervas e Pero,
 Simon e Toni 'l gnero,
 Tibursi con Genar.

E chi vorrà nen cherde
 Ch'a sia ansinuà
 Ch'a vada pur a vede
 Ant la comodità.
 Ch'a deurva coul armari,
 Ch'a lesa coui scartari
 Ch'a servo al tafanari,
 L'è tut li registrà.
 Pr coui ch'a sento lese
 Cousta disposission,
 A se lassasse arese
 D'lasseje soa porsion;
 L'è staita generosa,
 L'ha feita da grandiosa,
 D'una cavia rognosa
 Ch'ai serva pr stopon.

**Barba Gironi e Slanfrinaia sua moglie, che
 dopo 30 anni di matrimonio hanno avuto
 un figlio maschio.**

CANZONE XV.

L'ha una goi Barba Gironi,
 Ch'a fa d'saut com' un cravieul,
 Sui trant agn d' so matrimoni
 Finalment a l' ha avu un fieul.
 Sui trant agn, ecc.